



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

In Concilium Lateranense II. Oecumenicvm Sive Vniversale X. approbatum,
mille circiter patrum, pro iure cleri contra Anacletum & Victorem antipapas
eorumque fautores celebratum, anno Domini MCXXXIX. ...

urn:nbn:de:hbz:466:1-15588

gnatores in religiosis locis, vbi vobis melius visum fuerit, separatim faciatis includi, & libros erroris eorum, vbi cumque reperti fuerint, igne comburi. Data Laterani XVII. Kalendas Augusti: Transcripta ista nolite ostendere cuiquam, donec ipsæ literæ in Parisiacensi colloquio, quod prope est, præsentatæ fuerint ipsis archiepiscopis.

ANNO
CHRISTI
1139.

IN

CONCILIVM LATERANENSE II.

OECVMENICVM SIVE VNIVERSALE X. approbatum, mille circiter patrum, pro iure cleri contra Anacletum & Victorem antipapas eorumque fautores celebratum, anno Domini MCXXXIX. tempore Innocentii papæ II. & Conradi regis Germaniæ,

NOTA.

Tempus,
causa &
acta Conci-
lii.

^a *Concilium.*] De tempore, causa actisque Concilii, & de numero episcoporum, qui huic Concilio plenario & cœcumeno interfuerunt, Vrspergensis in chronicō ista habet quæ sequuntur: *Anno Domini 1139. qui est primus Conradi regis, Innocentius papa, facta plenaria Synodo, ut quidam dicunt fere mille episcoporum, mediante quadragesima totam partem Leonis (pseudopontificem Petrum Leonis filium intelligit) condemnauit cum ordinatione illius.* Eadem iisdem fere verbis Otto Frisingensis huius temporis scriptor celeberrimus refert libro 7. cap. 23. *Proxima media quadragesima Synodus maxima circiter mille episcoporum, presidente Rome summo pontifice Innocentio, celebratur, ibique, post multa salutifera decreta promulgata, schismatici, qui parti Petri Leonis fauerant, damnantur.* Hæc Otto Frisingensis. Quibus de causis pontifex hanc Synodum cœcumenicam, cui ipse præedit, congregatam voluerit, intelliges ex iis que supra in vita Innocentii commemoravi. Quod ad diem spectat, in scripto chronicō Beneuentano hæc de eiusdem Concilii certa die: *Hoc anno prefatus apostolicus Innocentius, octavo die intrante mensis Aprilis, Roma Synodum celebravit. Ad cuius sacri Conuentus presentiam archiepiscopi, episcopi, & abates innumeri conuenerunt: ibique inter cetera, que Spiritu sancto mediante Statuta sunt, vinculis excommunicationis alligauit regem Rogerium predictus apostolicus Innocentius in presentia omnium catholicorum virorum qui conuenerunt, & omnes eius sequaces.*

Ex Canonibus huius Concilii, ex Vaticana bibliotheca iam recens editis, Gratianus in suum decretum intulit. Secundum, 1. quæst. 3. cap. Si quis præbendam. Quartum, 21. quæst. 4. cap. Præcipimus. Quintum, 12. quæst. 2. cap. Illud. Sextum, dist. 28. Can. Decernimus. Septimum & octauum, 27. quæst. 1. cap. Ut lex. Decimi, §. 1. 16.

ANNO CHRISTI 1139. quæst. 7. cap. Decimas. Eiusdem decimi §. Secundum, dist. 60. cap. Innouamus, §. Tertium & vltimum, 21. quæst. 2. cap. Præcipimus. Duodecimum, dist. 90. cap. Præcipimus. Item extra, cap. 1. de treuga & pace. Decimumquintum, 17. quæst. 4. cap. Si quis suadente. Decimumsextum, 8. quæst. 1. cap. Apostolica. Decimumseptimum, 35. quæst. 2. & 3. cap. Coniunctiones consanguineorum. Decimumoctauum, decimumnonum, & vigesimum, 23. quæst. 8. cap. Pessimum. Vigesimumprimum, dist. 56. cap. Presbyterorum. Vigesimum sextum, & septimum, 18. quæst. 2. cap. Perniciosa. Vigesimum octauum, dist. 63. can. Obeuntibus.

In hoc codem magno, imo maximo Concilio Lateranensi, inter alia delata est accusatio aduersus Arnaldum de Brixia recentem hæreticum, discipulum Petri Abailardi. De Arnaldo siue Arnoldo vel Arnolpho (ita varie nominatus reperitur) hæc habet Otto Frisingensis sui temporis rerum gestarum scriptor: *Accesit ad huius seditionis facinoris argumentum, quod Arnolphus quidam Brixienis, de quo supra dictum est, sub typo religionis, & ut euangelicis verbis utar, sub ouina pelle lupum gerens, Vrbem ingressus, ad factionem istam, nempe ut reuocaret antiquum senatum, cui & summam rerum committeret, rudit populi animis premolli dogmate ad animositatem accensis, innumeram post se duxit, imo seduxit multitudinem. Arnaldus iste ex Italia ciuitate Brixia oriundus, eiusdemque ecclesia clericus, ac tantum lector ordinatus, Petrum Abailardum olim praeceptorem habuerat: vir quidem nature non hebetis, plus tamen verborum profluvio quam sententiarum pondere copiosus, singularitatis amator, nouitatis cupidus, cuiusmodi hominum ingenia ad fabricandas heresies schismatumque perturbationes sunt prona. Is a studio e Galliis in Italianam reuertens, religiosum habitum, quo amplius decipere posset, induit, omnia lacerans, omnia rodens, nemini parcens: clericorum ac episcoporum derogator, monachorum persecutor, laicis tantum adulans. Dicebat enim nec clericos proprietatem, nec episcopos regalia, nec monachos possessiones habentes aliqua ratione posse saluari: cunctaque hæc principis esse, ab eiusque beneficentia in usum tantum laicorum cedere oportere. Prater hæc de sacramento altaris & baptismo parvulorum non sane dicitur sensisse. His aliisque modis, quos longum est enumerare, dum Brixensem ecclesiam perturbaret, laicisque terra illius, prurientes erga clerum aures habentibus, ecclesiasticas malitiose exponeret paginas, in magno Concilio Romæ sub Innocentio habito ab episcopo ciuitatis illius, virisque religiosis accusatur. Romanus ergo pontifex, ne pernicisum dogma ad plures serperet, imponendum viro silentium decernit: sicque factum est. Ita homo ille de Italia fugiens ad transalpina se contulit, ibique in opido Alemania Turego officium doctoris assumens, pernicisum dogma aliquot diebus seminavit, &c. Subiicit de rebus ab eo gestis sub Eugenio post obitum Innocentii, cum Romam se contulit. Porro non inanem Arnaldi prædicationem fuisse Romanis, sed renouasse senatum, & aduersus propinquos Tiburtinos prælia cœpisse, inferius suo loco dicetur.*

Otto Fri-
singensis de
rebus gestis
Friderici
imperatoris
lib. 2. cap.
20.

Ligur. de
geltis Fri-
derici L
lib. 3.

Sed haud ingratum erit Guntherum Ligurinum versibus ita ca-
nentem audire, huius temporis scriptorem eximium:

Cuius origo mali, tanteque voraginiis auctor

Extitit * Arnoldus, quem Brixia protulit ortu
Pestifero, tenui nutriuit Gallia sumptu,
Edocuitque diu: tandem natalibus oris
Redditus, assumpta sapientis fronte, diserto
Fallebat sermone rudes, clerumque procaci
Insectans odio, monachorum acerrimus hostis,
Plebis adulator, gaudens popularibus auris,
Pontifices, ipsumque graui corrodere lingua
Audebat papam, scelerataque dogmata vulgo
Diffundens, variis implebat vocibus aures.
Nil proprium cleri, fundos & praedia nullo
Iure sequi monachos, nulli fiscalia iura
Pontificum, nulli curae popularis honorem
Abbatum, sacras referens concedere leges.

Omnia principibus terrenis subdita, tantum
Committenda viris popularibus atque regenda:
Illis primitias, & que deuotio plebis
Offerat, & decimas castos in corporis usus,
Non ad luxuriam, siue oblectamina carnis
Concedens: mollesque cibos, cultusque nitorem,
Illicitosque toros, lasciuaque gaudia cleri,
Pontificum fastus, abbatum denique laxos
Damnabat penitus mores, monachosque superbos.
Veraque multa quidem, nisi tempora nostra fideles
Respuerent monitus, falsis admixta monebat,
Et, fateor, pulcrum fallendi nouerat artem;
Veris falsa probans, quia tantum falsa loquendo
Fallere nemo potest: veri sub imagine falsum
Influit, & furtim deceptas occupat aures.

Articulos etiam fidei certumque tenorem
Non satis exacta stolidus pietate fonebat,
Impia mellifluis admiscens toxica verbis.
Ille suam vecors in clerum pontificemque,
Atque alias plures adeo commouerat urbes,
Ut iam ludibrio sacer extremoque pudori
Clerus haberetur. Quod adhuc, ni fallor, in illa
Gente nocet, multumque sacro detruncat honori.

Mox in Concilio Roma damnatus ab illo
Prefule, qui numeros vetitum contingere nostros
Nomen ab innocua dicit laudabile vita,
Territus, & misera confusus imagine culpe,
Fugit ab urbe sua, transalpinisque receptus,
Qua sibi vicinas Alemannia suspicit Alpes,
Nomen ab Alpino ducens (ut fama) Lemanno,

Nobile

ANNO
CHRISTI
1139.

ANNO
CHRISTI
1139.

* Arnal-
dius.

INNOCENTIVS C. VVINTONIENSE I. CONRADVS III. IMP.
P. II. STEPHANVS R. ANGL. 137

ANNO
CHRISTI
1139.

Nobile Turegum, doctoris nomine falso
Infedit, totamque breui sub tempore terram
Perfidus impure sedanuit dogmatis aura.
Vnde venenato dudum corrupta sapore,
Et nimium falsi doctrina vatis inherens,
Seruat adhuc tua gustum gens illa paterna.

CONCILIVM VVINTONIENSE I.

PRO IMMVNITATE ECCLESIASTICA,
contra regem Stephanum, qui castella ecclesiæ inua-
serat, & episcopos nonnullos carceribus mancipau-
rat, celebratum anno Domini MCXXXIX. tempore
Innocentii papæ secundi.

NOTA.

* Concilium.] Causam Concilii Vvilielmus Malmesburiensis lib. 2. Causa &
historiæ nouellæ his verbis describit : Anno dominice incarnationis 1139. venenum malitie diu in animo Stephani regis nutritum, tan-
dem erupit in publicum. Serebantur in Anglia rumores, iam iamque ven-
turum e Normannia comitem Robertum cum sorore. Qua spe cum multi
a rege non solum animo, sed & facto desicerent, ipse iniurias suas multo-
rum dispendiis sarciebat. Plures etiam pro sola suspitione diuersarum
contra se partium in curia sua contra decus regum captos, & ad redditio-
nem castellorum, & ad quascumque voluit conditiones abduxit. Erant
tunc duo in Anglia episcopi potentissimi Rogerius Salesberiensis, & ne-
pos eius ex fratre Alexander Lincolniensis. Alexander ad tutamen, ut
dicebat, & dignitatem episcopii, castellum de Neuwerche construxerat.
Rogerius, qui adfisorum constructione magnanimum se videri vellet,
plura apud Scireburnam, & apud Diuisas multum terrarum edificiis
amplexus, turritas moles erexerat. Apud Malmesberiam in ipso cœme-
terio ab ecclesia principali vix iactu lapidis castellum inchoauerat. Castel-
lum Salesberie, quod regii iuris proprium esset ab Henrico rege impetratum,
muro cinctum, custodie sue attraxerat. His moti quidam potentes laici,
qui se a clericis & opum congerie & municipiorum magnitudine supera-
tum iri dolerent, cecum intra pectus vulnus alebant inuidie. Itaque con-
ceptas querimonia regi effundunt, episcopos oblitos ordinis in castellis edi-
ficandis insanire, nulli dubium esse debere quin hac ad perniciem regis fie-
rent omnia, dum illi statim ut venisset imperatrix cum traditione castello-
rum dominie occurserent, paternorum scilicet beneficiorum memoria indu-
cti. Preueniendos ergo citius, & ad deditiōnem munitionū arctandos, alio-
quin regem seram pænitentiam acturum, cum in potestate hostium videret,
qua si saperet sibi apponere potuisset. Hac optimates sepius. Ille, quamvis eis
nimio esset fauore obnoxius, aliquamdiu auribus suis blandientes dissimu-
lauit audire, molliens dilationis amaritudinem, vel religionis in episcopis

Concil. Tom. 27.

S